



10. juli 2019

Inatsisartunut suleriaatsimi § 37 imm. 1 naapertorlugu, Naalakkersuisunut apeqquteqaatit uku saqqummiuppakka.

Naalakkersuisunut apeqquteqaat:

- 1. Isertitsivimmi aqutsisut politiinut unnerluutigisaanerat pillugu Naalakkersuisut paasissutissanik pisimappat?**
- 2. Taamaappat pineqarteq pillugu Naalakkersuisut paasissutissanik sunik pisimappat?**
- 3. Kalaallit Nunaata isertitsiviini tigummigallakkat imaluunniit eqqartuussatut isertitsivimmiittut pillugit nalinginnaq passusisoqarpa?**
- 4. Tigummigallakkanik eqqartuussatullu isertitsivimmiittunik nalinginnaq passussineq atorneqarsimappat, isertitsivimmi aqutsisut taamaalorsinnaatitaappat?**
- 5. Kalaallit Nunaata isertitsiviini allani piumasarsorneq aamma pisimava?**
- 6. Tigummigallakkanik eqqartuussatullu isertitsivimmiittitanik piumasarsortoqassangippat, tamanna qanoq iliornikkut pinaveersaartinneqassava?**

(Steen Lyngé, Demokraatit sinnerlugit Inatsisartuni Ilaasortaq)

Peqqut

Tusagassiuutitigut saqqummerpoq, angajoqqaat marluk isertitsiviup aqutsisuinik unnerluutiginnissimanerat, pissutigalugu tigummigallakkanik marlunnik allanut naleqqiullugit assigiinngitsitsisoqarneq pisimammat, tassanilu atorneqarsimalluni pisortatigoortuunngitsumik allakkamik saqqummiussineq, nalunanngitsumik isertitsiviit malittarisannut kiisalu pisortatigoortumik “illumi malitassanut” akerliusumik.

Tamannalu pisimavoq “illumi malittarisassat” pisortatigoortut atuareerlugit, taamaattorli parnaarussanut tunniusseqqusaasimanatik, pissutigalugu isertitsiviup pisortatigoortuunngitsumik allakkiaq patsisigisimammagu.

Inuiaqatigiit malittarisassanik malitaqartuunersut, taamalu inuttut pisinnaatitaaffimmik ataqqisaqarnersut apeqqutaassappat ilisimasariaqarpoq, eqqartuussaasimasut tigummigallagaasullu inuttut periarfissaasut suunersut. Assigiimmik pisortatigullu pisinnaatitaaffiit atorneqanngippata – uani pisami – tigummigallakkanut, piumasarsorneq aqutsisuussaaq. Piumasarsorneq inuiaqatigiit pisinnaatitaaneranut ataasiakkaanut ulorianarpoq kiisalu ataatsimut isigalugu malittarisaqarluni inuunermut. Tamanna akuerisinnaangilarput.



DEMOKRAATIT
DEMOKRATERNE

Unnerluutiginninneq tunngavissaqartutut isikkoqassappat, pingaartuuvoq, Naalackersuisut pisumut qanoq iliornissaat, kiisalu Inatsiseqarnermut ministereqarfimmut saaffiginnillutik, piumasaralugulu inuiannut tamanut assigiimmik ammasumillu pisinnaatitaanerup atuunnissai.

Nuna inatsisinik malittarisassanillu atuutsitsisoq piumasaannarsornermik aqunneqarluni tigummigallakkanik sullississanngilaq, minnerunngitsumillu eqqartuussanik isertitsivimmi inissitanik.

Piumasarisariaqarparput, pisinnaatitaanerit assigiit akisussaanerillu ilisarineqarsinnaasut innuttaasunut tamanit atuunnissaat, taakkulu atuutissapput parnaarussanut tamanut pissutsit ataatsit ataanni.

Apeqquteqaatima akissutissaannut qilanaarpunga ulluinnaat qulit iluanni piumaartussamut.